

Dèwà She Zwimbyi' Sε Jân Kœ

Le' se nywi mwen Mvènnswàb ne be ta lon le Ñzàè' le'

1 ¹Bwi' ta byin dèwà ton se koi ke nywi Ñzàè' le' nyě cinni ñzison. Kwan se be lè ɲgyô' wan ðunmi kife', Ñzàè' le' màzwùm be lè à ti kwe. Bwi' yenne nun, ðwi' ywà' tì ku' swum se nun lele lè mè ywi' bye'. Bwi' yenne ma nun lè me' ye', ðwi' yinndi tì nun lè mè fyà' bye'. ²Kwan se Ñzàè' le' nyě tã ñzison ðwùmðwùm fe ne kwean pisean, ðwi' yenne nun. Li ne ci ðwi' ta le' shon leli, ðwi' ta byin ñzison she ðwùmðwùm màzwùm sannzi. She be kì ñdìkà' ɲwê gwùmni ke ðeb fya' Ce nye' Mvènnswàb, son jene, à kwàsà ðwi' son pisean. ³Swum se ðwi' yenne, ðwi' konndi ywà' si, ðwi' ta byin son sannzi lè byin be ku' bæti lè ðwi' ke mbæti ye ðwi' bi bæti lè Ce nye' Mvènnswàb bon lè Mwen nyon Yesù Kristò. ⁴Bwi' ta byin ywum ton ye koi bã ðwi' be lwinni lè ñdàli.

⁵Mvènnswàb ni ɲwanni, ă yili kan njimmi ke nywi yon. Ntwum ye ðwi' ywœ ke ɲwum Yesù Kristò, ðwi' konndi byin shě, à yi. ⁶A ðwi' she le ðwi' ti bæti lè Mvènnswàb lè ðwi' ta kèn mbyî ke ncí byebbi nun, lè ðwi' ta ðwèli ðin, leɲkàm ndò' ba ðwi' nywi. ⁷Son, beshe ðwi' ton ke ɲwanni nun wě tã she Mvènnswàb nun ne' ni ke ɲwanni nun, ðwi' bi ɲwum fò' lè ðwùlu. Mvæb Mwen nyon Yesù ye swi ɲgæ' mè bɔtò' nun ta ðwi' byebbi nye' pòsi.

⁸Beshe ðwi' byinnò' le byebbi ndò' ba bon ðwi' nywi, ðwi' ta ðwi' ne' pœka ðin, leɲkàm ba ðwi' nywi. ⁹Son, beshe ðwi' kwasi byebbi nye' swi Mvènnswàb, ðwi' woli ðwi' telèni zwùm lè nun le à yě ðwi' nun zùsi, à ci ðwi' be ðwum sanmea ke swi' shon. À yě ci li ntwi' se à ni ñlwinni ke me le' nyon nun. ¹⁰Beshe ðwi' byinnò' le ðwi' ci kan byebbi lè ðwi' ta Mvènnswàb tweli lè ci-me mbwè', ñzæ' le' yon ba ðwi' ke me nlim nun.

Yesù ne ðyi ci-ndyi ɲgim nye'

2 ¹Bwen byêm, mùn tã byin dèwà se ton se koi lè byin lækì byebbi cĩ. Son, a kiin bèn nywà' ndò', mwum ndò' pyi ke byebbi nun, limmèni

le bwi' cinni ci-ndyi ngim ke swi' Ce Mvènnswæb. Ci-ndyi ngim màzwùm ni Yesù Kristò ne ðyi ñsanmi. ²Nun ne ywi ngæ' mè bɔtɔ' zwem lè Mvènnswæb zusì bwi' byebbi nye'. Á su' kan ywi ntwi' byebbi nye', à ywi tì ku' ntwi' byebbi lan wan hwæn.

Ñdʷonni nɛæ' le' Mvènnswæb

³Beshe bwi' dʷonni ñɛæ' le' Mvènnswæb, cìcì màzwùm se bwi' ye limmì le bwi' limmâ Mvènnswæb. ⁴A mwum ndɔ' ðyi, à shè le: «Mùn limmâ Mvènnswæb», lè á tà ka swum se nun leli dʷonni, ci-me mɔwè' ne, leŋkæm ndɔ' ba nun nywi. ⁵Son, mwum ne tá ñɛæ' le' Mvènnswæb dʷonni, à kè yon nlim yon nun, nun ne ta Mvènnswæb yili lè ñlim fɔ'. M̀b̀k̀k̀i ne bwi' woli kim bwi' limmì le bwi' ti bæti lè Mvènnswæb ni le, ⁶mwum nyě tá shè le nun ni ñbæti lè Mvènnswæb, mbyi ndɔ' ba mbyi, suku' ñdʷon me kwù Yesù.

Lwua nyě nywæb

⁷Mè ñwè byêm, lwua nyě mùn tà byin kɔi ni, nyě nywæb ne ban. Son, pwìn lwua nyě ɓe sheâ byin mbyí, nywɔ' ne ɓe sete byin Ñtwum Yesù Kristò shě ne. Pwìn lwua màzwùm ni ñɛæ' le' nyě byin ywɔâ nùn. ⁸Kwo fe' li, à ni wě lwua nywæb ne mùn tà byin kɔi. Yesù Kristò lisea ke kwù kèn shon nun le lwua màzwùm ni leŋkæm. 'Byin ti ku', byin ta lisa' ke kwù kèn shin nun li. 'Bwi' limmi le swum nywæb se, ntwi' se njimmi ti yean nun, bwi' ti ñwannì she ñkæmñkæm yenni nùn.

⁹Mwum nyě tá shè le nun ni ke ñwanñwan nun, ke nyě yi, à tà nun ñgyinni nyon byinnzi, limmèni le á ke ke njimmi nun. ¹⁰Son, mwum nyě tá ñgyinni nyon yili, à tá tòn ke ñwanñwan nun. Swum ndɔ' ba nun nywi she ye cì lwikwæñ pyì byebbi nun. ¹¹Son, mwum nyě tá ñgyinni nyon byinnzi, à ni ke njimmi nun, à tá kèn ke njimmi nun, shìkì à limmi cě nun tá kèn, ntwi' se njimmi dʷɔkeá nun me' ke mwu.

¹²Bwen byêm, mùn tà byin dèwà se ton se kɔa ntwi' se Mvènnswæb zùsà byin byebbi nyin ke jin Yesù Kristò nun. ¹³Byin mè ce, mùn tà byin son kɔa ntwi' se byin limmi mwum ne ɓe, lè ñgyɔ' wan kwan kife'. Ti lè byin mè mbìpǎn, mùn tà byin son kɔa ntwi' se byin leân Satæn lè ñkimmɔ'.

¹⁴Byin bwen, mùn kɔâ byin dèwà ton se ntwi' se byin limmi le Mvènnswæb ne ðyi Ce nye'. Byin mè ce, mùn kɔâ byin son ntwi' se byin limmi mwum ne ɓe, lè ñgyɔ' wan kwan kife'. Ti lè byin mè mbìpǎn, mùn kɔâ byin son, ntwi' se byin ðyi kimmi, byin bæn le'-Nswæb ke me nlim nyin nun, byin leân tì ku' Satæn lè ñkimmɔ'. ¹⁵Ba byin tæm ywum ye ñgyɔ' wan, shìkì byin ke mwù lè yon. 'Beshe mwum ndɔ' kè mwù ke nywi ywum ye ñgyɔ' wan nun, limmèni le á tà ka Mvènnswæb yili. ¹⁶Ywum ye ñgyɔ' wan nun yi le: mè mbàkà' mbyibbɔa ne tá wai ke nlim nun,

ñtimma' ywum ye ba ywû, ñshela' nywi ke ywum ye wù cinni nun. Ywum màzwùm hwæn li, ye ta wa' ke cě ñgyô' wan, ye tà ka wai ke cí Ce nye' Mvènnswæb. ¹⁷Ñgyô' wan tã mlò' lè ywum ye ßwum ta tæm kwe nun hwæn. Son, ti lè mwum nyě tã swum se Mvènnswæb yili cí, à tã tòn ðwùmdwùm.

Mè ci-byinnzi Kristò

¹⁸Bwen byêm, mmlòkà' ñgyô' wan ti kwemmi nùn. Byin ywôa le ci-byinnzi Kristò yě ßèn, kwan se ñgyô' wan ti kwemmi lè mmlòkà'. Jene, mè ci-byinnzi byon ßennâ mèan ñzwo'. Se lisa' le ñgyô' wan nzwonme kwæ' lè nun mlò'. ¹⁹Mè ci-byinnzi màzwùm kwan ke ñkwìn ye' nun, son, ßwi' ße kãñ ñwum fò' lè ßon, son se ci ße ken. Bwi' ßè ñwum fò' lè ßon, ße kennè kãñ. Swum màzwùm lannze li, lè wen ne hwæn limmi le ße ße kãñ ñwum fò' lè ßwi'.

²⁰Ti lè byin, Kristò feâ byin Mpùn Nsanmi nyon. Li ne ci byin limmi ywum ye ðyi leñkàm hwæn. ²¹Ñgò' ye mùn koi byin yi, a ßa lè ntwi' byin limmi kan leñkàm. Mùn koi lè mùn she byin le byin limmi son, byin limmi ti ku' le mè mßwè' tà ka kwan ke leñkàm nun. ²²Ti, yã mwum ne ðyi ci-me mßwè'? Ci-me mßwè' ni mwum nyě tã byinnò' le Yesù ßã **Kristò**, mwum ne Mvènnswæb fyii. Ci-me mßwè' màzwùm ni ci-byinnzi Kristò. À tã byinnò' le Ce nye' Mvènnswæb ßon lè mwen nyon Yesù Kristò ßyi ßi ßan. ²³Mwum nyě tã byinnò' le Yesù ßã Mwen Mvènnswæb, ã limmi kan Mvènnswæb. Son, mwum ne ðyi, à shè le Yesù ni Mwen Mvènnswæb, à limmi Ce nye' Mvènnswæb. ²⁴Son se ci, mùn tà byin shě le, ßænnèni ke me nlim nyin nun ñzæ' le' ye byin ywœ kwan se ße sete byin ñtwum Yesù Kristò shě. 'Beshe ñzæ' le' ye byin ywœ ke kwan màzwùm nun yi byin ke me nlim nun, byin ye tòn ßæti lè Ce nye' Mvènnswæb ßon lè Mwen nyon. ²⁵A ßwi' ci li, swum se Kristò kèe ßwi' ñkàli le nun yě ßwi' fe si ñzison ðwùmdwùm.

²⁶Mùn tà byin ywum ye ton ye koi ke nywi ßwum ße yili ße poka' byin. ²⁷Ti lè byin, Mpùn Nsanmi ne Kristò fe byin ni byin me nlim nun. Mbòki ne Mpùn màzwùm ni byin ke me nlim nun, à tã byin ywum hwæn pæ' lisea, se yili le ñlisa' ndò' kwan, à kònnði ti byin ywum ye ðin lisea? 'Ban, ywum ye Mpùn Nsanmi tà byin lisea à yi leñkàm, mè mßwè' ye ßan. Ke à si li, ywotèni swum se Mpùn Nsanmi tà byin lisea, byin ton ßæti lè Yesù Kristò.

Mwum ne ðyi Mwum Mvènnswæb

²⁸Ke à si li, ßwen byêm, tòènni ßæti lè Yesù Kristò, ßã ßwi' ße mè ci-kim nlim, kwènnjin læki ku' ßwi' ßænni swi' shon, nywô' ne nun yě fyònni. ²⁹Ke byin limmi le Yesù Kristò ni ñsanmi, li, byin limmi ti ku' le mwum nyě tã ywum ye ðyi sanmea cí ni mwum Mvènnswæb.

Bwi' bi bwum Mvènnswæb

3 ¹Ceèni fe' mbòkì ne Ce nye' Mvènnswæb yili bwi'. N̄yili ye nun yili bwi' yi twun, son se ci à tà bwi' lon le bwum byon. A si ku' li, bwi' bi bwum byon leŋkæm. Mbyi ne bwum ŋgyô' wan limmi kan le bwi' bi bwum Mvènnswæb, à ni le bon ne' limmi kan Mvènnswæb nun ne'. ²Mè ŋwè byêm, bwi' ti jene bwen Mvènnswæb. Kè bwi' ye be le, ke kwan se ta kìn nun? Mvènnswæb lisa' kife' bwi' son. Son, swum se bwi' limmi si le kwan se Kristò yě fyònni, bwi' ye ku' be wě nun, ntwi' se bwi' ye nun yenni wě tà she nun ni ku'. ³Mwum hwæn nyě cinni mbàkà' màzwum ke nlim nun, ba à cì ti byebbi, wě tà she Kristò nun ne' tà ka byebbi cí.

⁴Mwum hwæn ne tà byebbi cí gba' tà lwuà Mvènnswæb pyí. Ntwi' se mpyí lwuà Mvènnswæb ye be ta lon le ñcì byebbi. ⁵Byin limmi lwen le Yesù Kristò bènne ŋgyô' wan lè nun pæ' bwi' byebbi nywi. Ti lè nun, kwo fe' byebbi mbò' ndò' ba nun nywi. ⁶Li, mwum nyě tà tòn mbæti lè nun tà ka byebbi cí. Son, mwum nyě tà byebbi cí kwan hwæn yen kife' Yesù, shìkì à limmi ku' nun. ⁷Bwen byêm, ba kì byin yili mwum ndò' pòka' byin. Mwum nyě tà ywum ye d̄yi sanmea cí, nun ne' ni ku' ñsanmi wě tà she Yesù Kristò ni ñsanmea. ⁸Ti lè mwum nyě tà byebbi cí kwan hwæn, à ni mwum Satæn, ntwi' se Satæn d̄unme byebbi cí ñdikà' ne ŋgyô' wan kweân. Mwù mbèn ye Mwen Mvènnswæb bènne ŋgyô' wan nun yi le à kiin le nun mlòsi she se Satæn tà cì.

⁹Mwum nyě d̄yi mwum Mvènnswæb tà ka tí byebbi cí, ntwi' se ñzison she Mvènnswæb fe nun si nun nywi. Ke Mvènnswæb ni d̄yi Ce nyon, à wòli kan kim à cì ti byebbi. ¹⁰Mwum nyě tà ka swum se d̄yi sanmi cí, shìkì à yili ku' ŋgyinni nyon, à b̄a mwum Mvènnswæb. Swum se ke ŋkyilla' ke nyinnim bwum Mvènnswæb lè bye Satæn, à si.

Bwi' yilèni bwùlukwæn ke nyinnim she' nun

¹¹Kwan se be sete byin kìn ñtwum Yesù Kristò shě, ŋgyi le' ne byin ywœ, à be le: «Bwi' yilèni bwùlukwæn ke nyinnim she' nun.» ¹²Ba bwi' beèni wě Kain ne be mwum Satæn, à kèn ŋgyinni nyon ne' wu. Yen se cie à wu nun? Kain wue nun ntwi' se mè she nyon be m̄byibbɔa, nyě ŋgyinni nyon be ñlwukea. ¹³Mè ŋgyinni byêm, ba kì shimmea ci byin kwan se bwum ŋgyô' wan ta byin byinnzi. ¹⁴Bwi' limmi le bwi' ba tí mbyi ywi nun. Bwi' kweân, bwi' ti jene mbyi nzison nun. Bwi' limmi son, ntwi' se bwi' ta mè ŋgyinni bye' yili. Mwum nyě tà ka ŋgyinni nyon yili ke ke mbyi ywi nun. ¹⁵Mwum nyě tà ŋgyinni nyon byinnzi ni wě mwum ne tà bwum wukea. Byin limmi le ci-ŋwuka' bwum cinni kan ñzison d̄wùm d̄wùm. ¹⁶Yesù Kristò yili bwi', à kien ywi ntwi' ye'. Li, à lisea bwi' mbòkì ne bwi' woli bwi' yili bwùlukwæn. Li, bwi' ku', ba bwi' byinnò' ywi ke ntwi' mè ŋgyinni bye'. ¹⁷Beshe mwum ndò' ne cinni ywum mèan yen le shi' ta ŋgyinni nyon bænni, be nyě yi, à

fe kan nun, yen se lisà' le à tã Mvènnswàèb yili? ¹⁸Bwen byêm, ke à si li, ba bwi' pɔka' b̄wùlu le bwi' yili bon ke nzàè' le' lwukea ye bwi' ta bon shě nùn. Son, bwi' lisèàni bon òyili ye òkàmɔkàm ke mkpa' ye bwi' ta bon kpea nun.

¹⁹Cìcì màzwùm se bwi' ye limmi le bwi' bi b̄wum Mvènnswàèb ne òyi Ci-leŋkàm, mè nlim nye' kònnɔdi b̄e m̄flok̄ea ke swi' shon. ²⁰Kwan se òkwu ye zwum ta wu shě le wù ni cià byebbi, ba k̄i òlim gwennzi wù òzwòzwò', ntwi' se Mvènnswàèb ni òndwun, à làn òkwu ye zwum. Nun ne limmi ywum hwæn. ²¹Mè òwè byêm, ke òkwu ye zwum wòli kan kim ye wesi bwi' le bwi' cià byebbi li, bwi' ye òyi swi' Mvènnswàèb, shik̄i yi kwen bwi'. ²²Mvènnswàèb tã bwi' ywum ye bwi' ta nun cibbi fe, ntwi' se bwi' ta òzàè' le' yon òwonnzi, bwi' ci ti ku' swum se ta nun òlim lwukea. ²³Swum se nun yili le bwi' ci, à si le bwi' telèni zwùm lè Mwen nyon Yesù Kristò, bwi' yili ti ku' b̄wùlu ke nyinnim she' nun, wě tã she Yesù Kristò shèè bwi'. ²⁴Mwum nyě tã òzàè' le' Mvènnswàèb òwonnzi, à tã tòn m̄bæti lè Mvènnswàèb, Mvènnswàèb tòn ku' m̄bæti lè nun. Yen se ye cì bwi' limmi le Mvènnswàèb tã tòn m̄bæti lè bwi'? M̄pùn Nsanmi ne nun fyi bwi' ne ta bwi' son lisea.

M̄pùn Mvènnswàèb lè m̄pùn ci-byinnzi nyon

4 ¹Mè òwè byêm, limmèni le mè ci-ntwum me m̄bòwè' kweàn ke ògyò' wan nun m̄ean. B̄e ta shè le bon b̄e ta òtwum Mvènnswàèb shě lè òkimmò' M̄pùn nyon. Son, kwan se bon ye b̄èn cì shin, ba byin seti mwù kě ke le' shan nun m̄byimmi. Setèni fe' bon kènnzi ke nleli yan nun b̄eshe M̄pùn Mvènnswàèb ne ta bon kènnzi leŋkàm. ²Swum se ye lisà' le M̄pùn Mvènnswàèb ne ta mwum ndò' kènnzi, à si le mwum màzwùm òyi shitákùw le Yesù Kristò fyòne mwum, à k̄iìn ke cě ògyò' wan. B̄eshe mwum ndò' le' li, lè M̄pùn Mvènnswàèb ni nun nywi. ³Son, mwum byinnò' le' màzwùm, lè M̄pùn Mvènnswàèb b̄a nun nywi. M̄pùn nyě nun cinni wai cě ci-byinnzi Kristò. B̄e lè byin ywòà le ci-byinnzi nyon yě b̄èn. Jene, à ti ke cě ògyò' wan nun òtòn.

⁴Bwen byêm, ti lè byin, byin bi fya' Mvènnswàèb, byin leàn mè ci-ntwum me m̄bòwè' bi lè òkimmò', ntwi' se M̄pùn nyě byin ke nywi, à cinni òkimmò', à làn m̄pùn nyě tã tòn ke nywi b̄wum b̄e ke cě ògyò' wan nun. ⁵Mè ci-ntwum me m̄bòwè' bi bi b̄wum b̄e cě ògyò' wan. Li, b̄e ta leli ke nywi ywum ye cě ògyò' wan, lè b̄wum ògyò' wan ta òwum yan ywo. ⁶Ti lè bwi', bwi' bi fya' Mvènnswàèb. Mwum ne limmi Mvènnswàèb, à tã òwum ye' ywo. Son, mwum ne limmi kan ku' Mvènnswàèb, à tã ka òwum ye' ywo. Cìcì màzwùm se bwi' ye òyi, bwi' ke òkyilla' ke nyinnim M̄pùn nyě leŋkàm lè m̄pùn nyě mè m̄bòwè'.

Nyili ye wai fya' Mvènnswàèb

⁷Mè òwè byêm, bwi' yilèni b̄wùlukwæn ke nyinnim she' nun kwan hwæn, ntwi' se Mvènnswàèb ne ke bwi' òyili màzwùm ke me nlim

nun. Mwum nyě tã ðwùlukwǎen yili ni mwum Mvènnswǎeb, à limmi tì ku' Mvènnswǎeb. ⁸ Son, mwum nyě tã ka ðwùlukwǎen yili limmi kan Mvènnswǎeb, ntwi' se ðwi' limmi le Mvènnswǎeb tã su' ðwum yili le ñlim fɔ'. ⁹ À fyii mwen mbɔ' nyon ke cě ɱgyɔ' wan le ðwi' cinni ñzison ɱkǎmɱkǎm ke nyè yon. Li ne à lisea ðwi' mbɔ̀kì ne nun yili ðwi'. ¹⁰ Sù nyili ni le, ðwi' ðe sete kan Mvènnswǎeb yili, son, nun ne sete ðwi' yili, à fyii mwen mbɔ' nyon le nyi ni kiin ywi. Ke nyě ywi nyon, à zùsì ðwi' ðyebbi nyè'. ¹¹ Mè ɱwè ðyèm, ke Mvènnswǎeb yilá ðwi' li, se cibbi le ðwi' ku', ðwi' yilèni ku' ðwùlukwǎen ke nyinnim she' nun. ¹² Mwum ndɔ' yen kife' Mvènnswǎeb. Kwo fe' li, ðeshe ðwi' yili ðwùlukwǎen, Mvènnswǎeb tã tòn mbæti le ðwi', ñyili ye nun kè ðwi' zwum kwannzâ mwù ke nywi ye'.

¹³ Mvènnswǎeb feâ ðwi' Mpùn nyon. Li ne ci ðwi' limmi le ðwi' ði bæti le nun, à tòn ku' mbæti le ðwi'. ¹⁴ Bwi' yenne nun le me' ye', ðwi' konndi ðæmmi le Ce Mvènnswǎeb fyiâ Mwen nyon le nyi ni kiin ðwum ðe ɱgyɔ' wan swæti. ¹⁵ Mwum nyě ðyi, à sæb kimmà', à shè le Yesù ni Mwen Mvènnswǎeb, Mvènnswǎeb ni mbæti le nun, à ðe tì ku' mbæti le Mvènnswǎeb. ¹⁶ Bwi', ðwi' limmi le Mvènnswǎeb tã ðwi' yili, ðwi' keâ mwù ke le' màzwùm nun. Mvènnswǎeb tã su' ðwum yili le ñlim fɔ'. Mwum ne tã ðwùlukwǎen yili le Mvènnswǎeb nun hwæn, à ni mbæti le Mvènnswǎeb, Mvènnswǎeb ni ku' mbæti le nun.

¹⁷ Swum se lisa' le ñyili ye Mvènnswǎeb kèâ ðwi' zwum kwannzâ mwù ke nywi ye', à si le nywɔ' ne Mvènnswǎeb yě ðwi' kìn mè kǎ' linni, yi ða ðwi' kwènni, ntwi' se tòn se ðwi' ta tòn cě ɱgyɔ' wan si ku' mbanmban le she Yesù Kristò. ¹⁸ Mwum nyě Mvènnswǎeb yili, yi tã ka nun kwènni. Nyili ye kwannzâ mwù ta yi fyinni nun. Li, cě mwum nyě yi ta kwèn nun, ñyili kwannzi kife' mwù ntwi' se yi si wě vènè' ndɔ' se ðe ta mwum yennzi. ¹⁹ Ti le ðwi', ðwi' ta ðwùlukwǎen yili le Mvènnswǎeb nun hwæn, ntwi' se Mvènnswǎeb ne sete ðwi' yili. ²⁰ Beshe mwum ndɔ' shè le nun ni yili Mvènnswǎeb, son, à ðyinnzi ku' ɱgyinni nyon, le ci-me mbwè' ne. Beshe nun tã ka ɱgyinni nyon ne nun tã yen le me' yili, à yě cì le, à kà shè le nun ni yili Mvènnswǎeb ne nun tã ka yen? ²¹ Lwuà ne Mvènnswǎeb fe ðwi' ne nyè: Mwum ne tã Mvènnswǎeb yili, à yili tì ku' ɱgyinni nyon.

ɱkimmɔ' nlàn ywum ye ɱgyɔ' wan

5 ¹ Mwum nyě limmi le Yesù ni **Kristò**, mwum ne Mvènnswǎeb fyii, nun ne ðyi mwum Mvènnswǎeb. Mwum nyě tã ku' Ce nyè' Mvènnswǎeb yili, à tã tì ku' ðwum Mvènnswǎeb yili. ² Beshe ðwi' ta Mvènnswǎeb yili, ðwi' ðwonnzi tì ñzǎ' le' yon, cici màzwùm se ðwi' ye limmi le ðwi' ta ðwùlukwǎen ðwum Mvènnswǎeb yili. ³ Ke ndwonnzi ye ðwi' ta ñzǎ' le' yon ðwonnzi nun, se lisa' le ðwi' ta Mvènnswǎeb yili leɱkǎm. ñzǎ' le' yon ða kyibli ke cì she'. ⁴ Ntwi' se ðwum Mvènnswǎeb cinni ɱkimmɔ' ðe lan ywum ye cě ɱgyɔ' wan. Bwi' ye cì le, ðwi' kà làn

yon? Kě nlim she ɓwi' ta kè ke nywi Yesù si, son se ta cì ɓwi' lan ywum ye ɱgyɔ' wan lè ɱkimmɔ'. ⁵Ke à si li, wen ne cinni ɱkimmɔ' màzwùm? Mwum ne yili le Yesù ni Mwen Mvènnswæb, nun ne cinni ɱkimmɔ' màzwùm. Shi ɓe nun, mwum ndɔ' ɓän.

Shitàkwù se Mvènnswæb ɔyi ke nywi Mwen nyon Yesù Kristò

⁶Nun ne', Yesù Kristò ne kien ke cě ɱgyɔ' wan. À dun ke mla' nun kwan se ɓe jimnzi nun, à swì tì ku' mvæb yon kwan se à ywi. Ā sue kăn kìn ntwi' mlá', son, à kien lɔ' ntwi' mlá', lè ntwi' nswí mvæb yon tì ku', M̀p̀ùn Nsanmi nun ne' ne ta shitàkwù màzwùm ɔyi le à si li lɛɱkàm, ntwi' M̀p̀ùn Mvènnswæb tà ka ɓwèli. ⁷Ywum ye ta shitàkwù ɔyi nywi Yesù yi yon lè. ⁸Ywum màzwùm yi le: M̀p̀ùn Nsanmi, mlá', kòndì lè mvæb. Ywum lè màzwùm ta swum ɔ' lisea. ⁹Bwi' ta shitàkwù se ɓwum ta ɔyi yili. Ti lè shitàkwù she Mvènnswæb, à si twun, se lan she ɓwum ta ɔyi. Mvènnswæb nun ne' ne ɔyi shitàkwù nywi Mwen nyon. ¹⁰Mwum nyě tá ñlim kě lè Mwen Mvènnswæb, à yilá shitàkwù màzwùm ke nlim yon nun. Son, mwum nyě tà ka ñlim kě lè Mvènnswæb, à tá Mvènnswæb tweli wě ci-me mɓwè', ntwi' se á kè kan ñlim ke shitàkwù se nun ɔyi ke nywi Mwen nyon nun. ¹¹Shitàkwù màzwùm si le: Mvènnswæb fi ɓwi' ñzison she ɔwùmdwùm. Ñzison màzwùm, ɓwi' ye son yě ke nyě Mwen nyon. ¹²Mwum nyě tá tòn m̀bæti lè Mwen Mvènnswæb cinná ñzison màzwùm. Son, mwum nyě tà ka tòn m̀bæti lè nun cinni kan son.

ɱkeli cinni ɱkimmɔ'

¹³Mùn kɔá byin ywum ye ton yi lè byin limmì le byin cinná ñzison ɔwùmdwùm, byin ɓe ke ñlim lè Mwen Mvènnswæb. ¹⁴Beshe ɓwi' ta swum ndɔ' cibbi lè Mvènnswæb she ɔyi ke me m̀bàkà' nyon nun, ɓwi' limmèni lwen le à yě ɓwi' ywɔti. Li ne ci, ɓwi' ta zwùm tɛli lè nun. ¹⁵Li, ke ɓwi' limmi le à tà ɓwi' ywɔti kwan se ɓwi' ta nun swum ndɔ' cibbi, ɓwi' limmèni le, lè ɓwi' kà cibbi nun, ɓwi' ti lè swum màzwùm fya'.

¹⁶Beshe mwum ndɔ' yen lwikwæñ tá ɓyebbi ndɔ' cí nyě ɓä nun kènnzi ke ywi nun, à keli Mvènnswæb lè jin shon. Li, Mvènnswæb yě nun ñzison ɓe. Swum se mùn le' si suku' lè ɓwum ɓye ɓyebbi nyan ɓa ɓon kènnzi ke ywi nun. Ntwi' se ɓyebbi ndɔ' ni kwe nyě tá ɓwum kènnzi ke ywi nun. Mùn le' kan le byin keli Mvènnswæb lè jin mwum ne tá ɓyebbi màzwùm cí. ¹⁷Mè le' m̀byibɓa ne ɓwi' ta cì hwæn, ɓyebbi ne ke swì' Mvènnswæb. Son, ke nyinnim mè le' m̀byibɓa màzwùm nun, ñɔ' ni kwe nyě tà ka ɓwum kènnzi ke ywi nun.

¹⁸Bwi' limmi le ɓwum Mvènnswæb tà ka mwù kě ke ncí ɓyebbi nun ntwi' se mwum ne yènná m̀byi Mvènnswæb, Mvènnswæb ne ta nun ɓön. Li, Satæn cinni kan ɱkimmɔ' ncí ɓyebbi nywi yon. ¹⁹Bwi' limmi le ɓwi', ɓwi' ɓi fya' Mvènnswæb. Ti lè lan wan, ɓe ke ke kwù Satæn nji.

²⁰ Bwi' limmi le Mwen Mvènnswàèb kien ngyô' wan, à feâ bwi' kon mwù lè bwi' limmi Mvènnswàèb ne nkàmɲkæm. Bwi' bi bæti lè Mvènnswàèb nkàmɲkæm màzwùm ke mbæti ye bwi' bi bæti lè Mwen nyon Yesù Kristò. Nun ne dÿi Mvènnswàèb nkàmɲkæm, ñzison she dÿùm dÿùm wai nun fya'.

²¹ Bwen byêm, konnèni lè ñdÿwon me swàèb me mbwè'.